


石橋壠李氏族譜

卷八

傳贊 壽敘

祠墓 碑記

文藝 詩詞





傳讚類

甯仲公像贊

紹隴西之的派接燿村之芳踪巍巍者其體藹藹者其容去萍鄉而由來可溯遷潭州而令德可風雖寄跡於司李小試堪媿乎盛世名公知節公像贊

望之可畏卽之可親其行事中規矩其持躬有準繩爲南康軍守郡仰清聲開城澗箕裘俾子孫永樂昇平瞻公之像想公之名節性節情真

知天而知人

右二公像贊舊本流傳其詞畧近古樸然亦
寫其真耳不敢移易不便添改錄之以誌不

忘

嶽生公行狀紀畧

先生諱國玉字嶽生國子舍人惕若公六代孫

邑庠生次開公元孫也年週晬盤試甫旬有六
日慈母輒見背厥考振楚公怙以兼恃始成立
其生已云苦矣且自曾大父周輔公大父德吾

公迄乃父以逮先生嬾嬾又四代其遇亦云艱
矣先生以藐孤之身作特立之士和厚而兼勤
儉又得楊公淑臣女作配克佐以辛勤年方及
五旬創業近百畝自是而在昔之家聲爲之一
振且卽君輩皆有幹濟才又能率乃考攸行不
惟恢先緒而式廓日增卽先代詩書之澤亦勃
勃然聿興黌宮之內成均之間仕籍之班接踵
比肩以與前哲相輝映者又不一而足夫乃嘆
吉人之挺生不偶彼蒼之成就亦異當其先必

試之困苦以礪厥修而其後乃使之顯達而厚
 其報蓋如此今其元孫九品左仕即渭源翁專
 修家乘欲瓚叙一言為先生紀其略瓚與先生
 家世有舊姻又與源翁之令姪鳳岡君新締兒
 女好敢不惟命因援筆濡墨拜敘數語為先生
 壽諸牒

姻眷世再晚丁巳舉人蕭紹瓚頓首拜撰

文相公夫婦合傳

族文相太老先生諱世賢行二我初祖御史大

夫元賓公之苗裔支祖潭州推官甯仲公位下
廸功卽永州司戶應辰公九代孫嶽生公次子
也太學生惕若公其七世祖文庠生次開公其
六世祖而文庠康與隆序及國學克篤紫峯諸
君是又其脈姪孫曾輩焉今卽世已數十年矣
昱距近百里平日雖未造其里居亦久聞其概
歲乙酉昱倖捷棘闈旋登厥祠謁先靈叙論之
餘乃得詳其生平焉其貌巍然而魁梧其品堂
乎如冠玉其賦性也恬淡而冲和其行事也節

儉而正直承先志而督修譜牒源委畢彰裕後
昆而箕裘丕振阡陌日廣爲母氏之塋訟縣府
而資不吝斧篤天顯之愛業推移而仔不惜肩
其爲人有如此者德配蕭孺人秉坤順之德輔
乾健之行奉舅相姑雝雝者肅肅訓子撫媳穆
穆者皇皇服飾旣無羨乎鮮麗紡績尤未間於
晨昏以故金則滿籩粟則溢廩太和翔桂閣戲
綵聯五子之斑淑氣靄蘭堦問安點廿孫之額
子又生孫看來四十有七曾又生子數去七十

有三龜鶴延先生之齡曾多杖國之韶光一歲
松楸永孺人之算惟少期頤之暮景十年其獲
福又如彼也今其曾孫泮采百盈超然日生諸
君協修系牒欲昱傳一言付諸梓昱何庸他爲
其說鋪張楮墨間乎第卽所聞而約畧之誠當
世所罕覩也錄此以復未識有當諸公闡揚先
美之至意否前宗晚己酉舉人澤昱拜傳堂

萬鍾公行畧

咸豐庚申冬都中石橋李氏成族譜將厥適惇

自京會試歸其族泮采翁與其堂兄綺餘暨堂

弟西山月輝諸君來舍相慰問話酒後欲惇叙

一言爲乃祖 萬鍾老先生述其畧以壽牒比

笑而却之謂其才短未克攄詞闡厥美既而思

之泮采諸公曩與惇有忘年交焉敢辭爰乃啟

窗拭几研墨濡毫謹拜敘曰人生天壤間惟創

業難守成亦不易如令祖 鍾老先生不特能

守而兼能創者也聞之令 曾大父所遺之產

先生不獨得之己者能守卽得之諸兄者亦兼承而守之且不獨承之兄者能守而基邊之業又創而有之以大先人未有之緒約而計之將十倍乎曾大父之所遺焉由此以觀是人之所難而不易者固先生之所易而不難者也揆之當今能有幾哉不特此也其秉性敦龐宅心慈祥以詒後人休者更無盡也故自子若孫以逮曾元班班輩出皆恪守耕讀而不失忠厚之遺意焉異時之昌大其可量哉惇預爲之拱手

以賀

春世晚戊午舉人唐傳悖拜撰

命之公行畧

公諱昌佑字命之號三秀行五曾大父文常


公冢嗣也性英明量宏大務實行敦大義以勤

儉啓家芳躅甚夥清後公誕降之年六十有一

始生見知者蓋寡茲欲於權續家乘時叙而述

之其能免無遺漏歟幸里黨之傳誦未衰先子

之告語堪憶敢援筆而敘其略竊聞公年方十



四娶先大母馮位內勤謹勩 公爲曾大父理
家政秩然有制奉養克承其歡乾隆壬寅冬
曾大父捐館 公延師卜吉經六載越嘉慶庚
申夏 曾大母劉卽世擇兆又八年殯室事如
生及得吉善於前遂啟 曾大父棺歸同發輒
而合葬焉後又接置田山以護厥邱皆歸公管
今墓前建廬是其地也 公素有膽畧其先葬
高大母楊有毗界之楊姓者聞葬踞阻發旒時
陣中人僉曰今日必傷人誰抵償眾默無辭

公毅然任之眾乃行後訟縣及府 公與叔祖
達夫率眾兄弟協力同事閱十八載始釐域而
寢其事又糾族設清明祀會今購祠置產是其
費也竭不匱之孝思以篤本源如此乾隆歲庚
辰由曉衝遷橋頭衝家微口眾 公善撐持十
年間積金累千與弟分金後得我 祖母勤諸
內我 父克名與 叔克開努諸外不卅年創
業盈四百畝復念弟姪輩口眾難敷且出其餘
而惠之叔祖 達夫敏力學 公加意督之後

院試冠軍英年捷鬻宮滿叔克篤苦學未就捐
授國子監長姑適朱八月而寡腹遺一子次姑
適劉生子女各一亦失所天均矢霜操公并
撫之俟其子皆成立始合歸奉舅姑均以節孝
垂名邑乘總坊不特此也堂姪隆音幼失怙恃
公撫於家娶而生子方使就其遺業而耕居焉
又姪隆興鴛居被竊公請官勘究靖其窩匪
後隨地遷居盜不敢侵劉家母舅馮家岳父母
俱窘養葬咸賴焉又戚陳某貧欲析枕公令

男則傭力於家時給以粟妻則與錢爲本使勤厥紡終免破鏡之悲夫以創垂之隆篤同氣庇一脈厚姻眷又如此且其時同里有行竊者公謂其堂弟曰爾某兄行有玷爾可勸其改行予必倡爲銀會以安乃家若弗悛予將首爲控懲言至伊竟怒而恨之未久竊露搜至其家賊贓俱確公後至伊反執械克拒公奮身而前奪其械而擒之送官中塗向公泣曰吾早不聽公言以致如斯後歸乃登門謝曰今後謹

佩公之教焉果力改前非今其子孫亦昌大有
漸公之義氣感人又若彼嘉慶丁卯歲大旱佃
租全免秋後雨足旱田倍收公不廢前言次年
穀價高騰佃因此而興發者數家且率富室蠲
粟低價發糶隣境貧窶悉免斯飢之啼時佃有
被搶者公挺身控究首犯遠竄至今未歸故里
他如遠近公事凡力之所能或倡首或捐資無
不踴躍相從其鉅而最著者自誌書聖廟外惟
雲霞嶺廟路採訪白於當途張太守紀諸邑乘

至若嚴氣正性然諾不苟扶弱抑強片言解紛
建家塾擇學行兼優者爲子弟師俾一門內遵
彝訓通制藝萃四代一堂男女六十餘口皆肅
然無異詞是又公之盛德內蘊治家有法所
由致也晚年不與外事日正襟坐於庭史傳不
釋手壽七十有八素不嗜藥餌不侈服飾臨終
危坐連誦君子之於天下章數遍而沒堂奠之
日弔者闐門朱公石湖輓以聯曰生前英氣塞
天地歿後精神貫斗牛顏曰口碑千秋朱子名

揀輓聯曰福備箕疇五哀歌薤露三其餘誄以
文者美不勝錄此清之所見與聞於里黨及先
子者如斯而已若公生平行誼之精則又未
可以殫述者吁清生也晚於焉叙之亦聊以紀
什一於千百云爾後之人欲知公之懿行請
讀此而識其畧

達夫公大傳

叔大父康字達夫爲吾族望清於齒錄處已繫

數語爲小傳茲復噴此篇爲大傳者何竊憶
公之字冠以達蓋吾族達人也達繫以夫又當
世大丈夫也懿行甚夥言之不足故長言之也
公爲曾大父文常公季子幼聰慧曾大父鍾愛
之就傅時先大父常加意督課及長公之自命
不凡其自勵亦切始從式平朱老師繼從紹堯
唐夫子遊其砥礪揣摩不惟晷不刻虛夜必雞
鳴始隱几少卧每束衾至館常旬日半月未曾
展年二十五府試五場皆冠首道試卽擷芹連

入棘闈遂膺薦鄉訓導曾公榮銑旌以額曰朝
陽鳴鳳時先大父之堂構方新而公卽懸此
額登其堂者莫不羨爲二難乙卯科房師賞其
文薦元以宗師未如所請遂撤其卷以俟後科
故下第公於是因自淡於科名惟詩書課兒
是務於宅左右均建塾并植桂於門以勵其振
折之思歲辛未次子仲麟亦擢高等遊泮三子
叔麟以文不亞兄而名竟置孫山外甚憂彭師
嘯園慰以聯曰蘇軾文章當讓轍宋郊科第必

先祁卒抑鬱以病終先大父曾撫其棺而大慟
曰爾吾家千里駒也何天奪之速耶時師友悼
以詩者不下百餘篇 公之蔚起書香蓋如此
乾隆間葬高大母楊訟縣及府前後十入載惟
公與先大父協力首其事乃寢而恢復其界嘉
慶間爲曾大母劉擇兆流覽經入載始就堂姪
降典怙恃早背撫於家有年教且娶舊牒將殘
則命仲男續輯而新之廟享無所則倡族眾合
購而置之道光初先大父葬處被戕訟八年未

決公請官勘究乃寢桂房學杰祖墳樹被伐
莫究公控縣清釐增買丈界護之岳母趙邁
且窘養葬悉周之而且事師如事父病則持湯
藥弗離歿則設主位奉祀每歲中元必薦衣其
篤本以庇一脈厚眷以敦師誼又如此他如坐
立必正襟行步必中矩出言極和婉作事極精
詳遇族黨是非事片言卽解紛其持身涉世又
無不令人寅畏而忻服夫以公之學與才以
及所行而歷歷思之豈庸庸者所能希其萬一

也哉清故曰族之望也字冠以達其吾族之達
人乎達繫以夫其當世之大丈夫乎此所爲言
之不足故長言之也云

姪孫光清拜手再傳

印潭公六十壽言

範紀五福其一曰壽壽之爲言酬也所以酬有
德也里中如李君印潭兄者其宅心禪粹制行
敦龐非所謂厥德允修者乎則壽算之相酬殆
不可以年數限也今壽躋花甲族黨姻眷皆欲

製錦介厥壽因來余以壽言請余曰 印潭吉
人也余自先君石湖與其大父尊人交今三世
矣昔距僅里許今距亦不過二三里耳知最深
欲一綴言以侑觴其敢徒爲鋪張揚厲之詞以
塞責哉竊憶其大父 命之先生性篤孝友行
務端方既大門閭而廣阡陌且好善樂義嘉慶
間首修雲霞嶺廟路邑侯張編入郡縣誌其他
分多潤寡撫孤全枕抑強扶弱事難枚數焉尊
人 克名先生克家繩武翼厥考以恢先緒篤

同氣以昭雍睦公爾忘私至今同異姓咸稱之
無閒言是乃祖乃父固德垂後裔積善而餘之
慶者今 印潭兄又克奉彝訓而衣德言紹前
修而尊德性於父母兄弟間無訾言遇敦本培
原事必竭力不誠可謂後先濟美者乎道光甲
申夏協族購祠置產以公項不支與族當事索
捐成會披星月冒風雨閱四載始蕝凡銀穀數
目無絲毫差爽越癸巳甲午連年歲祲穀歉價
昂人心惶惶幾致攘奪乃赴下江運菽麥以繼

青黃復隨富室蠲米粟以周鄰里境克全濟人
皆安堵歲丙申倡族人主凡乏嗣及窳費者卽
出己資置之俾均享歲祀而一堂之上可無若
敖之餒且念塋域星散慮其遺掛失稽督弟渭
源一一查晰凡地名葬向丈界有無詳錄成帙
俾當掛者開卷瞭如其用心有如此者以故族
有公事眾必推爲領袖前後計任族事十餘年
纖悉未有遺議推之里黨有患必顧有美必成
與人交然諾不糊塗凡居處徑險必平治綜所

事事要皆本至性而發爲慈祥豈薄德者流可
同日語哉自茲以往而老而耄而期願是
固彼蒼之所必眷祖宗之所必蔭鬼神之所必
賚者也詎俟他人祝哉余故不敢泛爲頌禱之
諛詞以瀆座次惟覩縷其生平實行之大概有
可得壽之理以爲崇祺景福之券云

春教世弟邑庠生朱聲京拜撰

渭源氏六十壽叙

先生余宗弟步雲之硯友亦其令壻李君鳳岡

之脈伯兼業師也余居衡相距蓋百有餘里平
日未嘗得接龍門固不知先生爲何許人蚤歲
步雲館於衡徃來間每樂道其學行余因之遂
恍然於 先生之爲人矣且夫耳聞猶虛目見
始確豈謂一聞而已盡得之耶竊心慕之欲得
一見以爲快閱道光癸巳余忝列明經明年甲
午房姪逢盛登賢書乃偕來貴邑昌福謁老祠
旋賁步雲私舍適邀 先生與令姪鳳岡同飲
劇談竟日得披丰采如對芝蘭隨閱鳳岡歌叙

等藝不惟文茂書法亦工非親炙名賢未克臻
此余於是乃信步雲之所交所稱爲不誣亦越
歲乙卯小子鬢倖遊泮水余喜忘其邁復登老
祠薦芹筵答先靈也亦因以訪舊好焉時先
生例膺九品擬候選於北闕正拜詔於南院未
獲再敘殊爲爽然今步雲持箋來舍謂先生
今冬某日年週甲欲丐一言爲先生祝余聞
之覺冷腸頓熱遂起而問曰弟知李君之舊德
與其學行最晰試一爲我言之雲曰敬養厚

葬以篤二親哀多益寡以惠一脈廣阡宏構以
恢先緒建塾聘師以課後昆修霞嶺數百年崎
嶇之險徑利乃往來廊嶽神千萬人朝拜之行
宮福彼善信撫孤扶寡昭其仁弭盜安良著其
義信孚家邦名香邑乘乃其大父命之公也
佐父成家訓子有義篤雍睦於弟昆詒燕翼於
孫子卓卓堪述是其尊人克名公也至若名噪
成均竹林競秀則有脈叔克篤堂兄紫峯諸人
聲蜚庠序喬梓齊榮則有叔祖達夫堂叔仲麟

兩輩而先生又克追步雲程繼書香而隸仕
籍是蓋後先輝映綽有祖風者也又嘗登其祠
見夫典禮煌煌皆由手訂規條炳炳悉出心裁
以及系牒之流傳增遺闡隱詳先人所未詳邱
壟之頽壞鳩葺鼎新表先人所未表存公項之
積而立簿立規釐祖塋之疆而增碑增據編掃
墓之冊而詳地詳人其用心之周密蓋如此且
上焉念彝訓而率攸行繼述之殷情流於楮墨
中焉篤天顯而敦友于雍和之淑氣滿乎堂堦

下焉振禮樂之家聲訓姪之愍等於訓子課子
之法復以課孫以故筆沼之烟雲芝草與玉樹
並拂書田之菽粟龍駒偕鳳雛齊嘗推之族黨
有侮必禦有美必成持論必平矢口必信又隨
在皆見天性之純篤旁流周洽而無閒矣若夫
揮毫之勁應酬之精教育之善其餘事也余聞
不禁喟然曰 先生之世德如是盛其學行又
如是優是真樂易吉人也其壽其福又何待余
祝哉爰綜所聞與其所見而歌曰 先生之學

有聲有光 先生之行如圭如璋允矣君子宜
壽而康誠哉吉人後嗣其昌

春教弟歲貢生湯軒拜撰

炳南公所至贈序

道光歲丁亥余館凌煙閣之西莊三月惟丙午
拙有澹邑李君 炳南先生請初不知從何處
至也一見睂宇軒爽語話清奇心竊異之及問
所從來一一具答無隱夫而後知爲閩閩縉紳
之子弟緩功名而樂山水者也言未竟主家接

去越翼日又復詣館適值課閒余詢及地理之
要訣徐示以圖書之秘傳口講指畫之餘未嘗
不嘆余敝邑平日之奔走不遑力食於堪輿與
一時之侈談青囊蠱惑愚民出必乘輿入則困
載以及心素明通誤習飛蓬自陰陽有準而賢
智亦競美弗置者均難免不學無術之譏也如
先生之得旨得辭能無深余愛慕乎時因謾爲
不律二誌敬其一曰萍水相逢變理才幾疑發
駕自蓬萊談經入妙天花墜使我胸中茅塞開

又曰陰陽妙理契君知指點圖書析我疑信是
登龍門第客青囊得秘一名師自是厥後往來
無閒或述舊聞或言新得或觸事而傷今或評
文以弔古劇談一室相對甚懽在諸弟子輩幾
疑余二人相去百餘里而遙何一見如故相見
恨晚之膠漆相投若是耶而不知詩文骨肉之
說有自來矣未幾先生往魏與余作別臨行
丁甯而唯不復來是懼先生始言於余曰來
不來尙未可定既見余慙懃眷戀輟連聲曰來

來然而用之則行舍之則藏余與先生夙受
範於孔聖之教者先生雖云如此吾嘗惴惴
焉惟恐其不果暮雲春樹落月屋梁杜工部之
不能忘情於青蓮仙余與先生一也詎得謂
古今人不相同乎已而問信余東謂遣使相延
不一而足無如爭迎日繁來則可必第未知來
於何日耳余深冀者久之而今果來也余獨何
心能不快哉且不惟其來而又辱余以詩捧讀
三復有深感先生之過愛而愧不足以當也

然要不敢不依韻而和遂援筆而賦之其一日
洞悉陰陽孰與倫觀山玩水遍風塵三元妙理
胸中化八卦神機袖裡醇勒馬橫弓尋穴的拏
雲駕霧識龍真逢迎到處皆豪富正是君家得
意春又曰兀坐書齋思悄然滿腔心事對誰宣
暮雲春樹情難禁落月屋梁淚欲涓兒女沾巾
人莫笑金蘭結契孰能捐相逢話別懽無極未
識何年鷺序聯巴調俚語雖無當高明之一盼
亦朵心之發於不已云

眷教弟衡邑歲貢生歐陽鰲頓首拜撰

琴堂公夫婦六十壽敘

自古福澤壽考之所鍾必其先世之積累至深
且久而後菁英隆厚之氣萃於門內少者鳳毛
麟趾老者喬松勁柏凡此卽一有之猶有可徵
而况厚福高年盈門之盛累代之多其積累更
何如也潛嘗執是以驗潛德如響斯應今觀於
先生家益恍然矣聞之 岳生公 先生高祖
也忠厚篤慶門祚大啟年週花甲有奇其妣楊

太君端肅循謹八十有四 文常公會祖也矩
步方型年踰古稀其妣 劉太君溫良慈惠八
十有六令大父 命之公尙節儉敦孝友素封
外惟書香啓後故其弟姪兒孫輩或踵登庠序
或登貢成均或職登仕卽一門顯達太和之氣
溢於庭階厥享年七十有八其妣 馮孺人溫
柔勤樸亦七十有二叔大父三享耄年者二尊
翁 克名公勤儉惇厚尤篤友愛年七十有八
尊慈 陳孺人終溫且惠彼蒼失眷則少翁年

二十有五叔翁三一八十二一八十四一七十
五其德配享齡均相上下方之楊氏一門耆耄
何多讓焉先生昆季三伯氏仲氏俱近古稀
其神旺氣壯猶矍鑠有餘竊惟先生盛德
後性質直行正大作事無機心待人無翫麗壖
箠之雅至老益新琴瑟之歡垂暮如故鳳子比
翼而聯翔桐孫環生而競秀其獲福已云厚矣
而享年又豈有艾乎尊閨晏孺人秉性淑慎
辛勤贊助與先生甘蒙山隱齊眉之慶當追

媿先輩而有加焉今者花甲同登晏子高成以
至戚來丐予一言爲祝予與晏子同里兼瓜葛
得悉細先生家福澤壽考盈門之盛累代之多
因思其先世積德累行之深且久其發皇正未
有涯也今其在先生乎且先生之積累亦
孔厚矣其闡揚於他日者又曷有量哉潛不獲
躬親稱祝卽以是調雙鶴南飛之曲或亦有當
於萬一謝先生其頷焉可代

二十有五日 姻眷晚邑庠生張興濬頓首拜撰

張憲雲鰲續修縣誌公局收票

湘潭縣續修省縣志公局收到十四都李昌佑

樂捐銀肆拾兩整俟志成勒碑所收是實

嘉慶貳拾壹年九月二十五日收何字第四

號

文廟收票 俎字第二十四號

湘潭縣鬻宮公同設局鳩工修葺局內實收到
十四都李三秀樂捐銀壹拾兩整暫發收票俟
工竣之日石勒芳名以垂不朽

道光二年十一月十四日票

祠墓碑記類

元賓公墓銘

公諱觀字元賓其先隴西人也

係所自出

始來自江之

東年二十四舉進士三年登上第

生長江東二試禮部貞元八年與公

同登進士

又舉博學宏詞得太子校書一年

試於吏部受官年

二十九客死於京師

貞元十年


既歛之三日其友人

傅陵崔宏禮葬之於國東門之外七里鄉曰慶

義原曰蒿原

敘葬處

友人韓愈書石以誌之其詞



曰已乎元賓疑其何以壽也吾不知其所慕夭也僅止於此

吾不知其所惡謂俗皆慕壽惡生而不淑孰謂其天理不可解

壽虛生無益死而不朽孰謂之夭所存者長亦不宜已惡用翻案語起下

乎元賓才高乎當世行出乎古人已乎元賓竟

何為哉惜其有不朽之實不及成不朽事實非為


唐貞元甲戌進士韓愈撰

昔林西仲曰元賓文行讀與李秀才書可見人

只惜其夭而不知無所短長之人雖壽無益也

死而不朽猶愈虛生元賓有其具而不及用與

無具同豈不可痛此銘中大意也開手數行乃
銘之意因未有實行故不能爲作誌耳
昔按雷青廣集內觀固爲唐家之長城與渾瑊
等齊名所載陝西平涼府大抵世居華亭今
墓銘云來自江之東又稱其先爲隴西人貞
元十年客死葬於國門之東是時唐建都長
安卽今西安而鄉里歷歷並未及其妻若子
豈諸子尙幼無人奔喪後暨貴始搬葬於江
之右地名萍鄉耶且與舊譜官銜亦異不知



前何所據而云然也未詳孰是故並錄之

時

萬曆十一年癸未十月吉日

賜進士中憲大夫雲南按察司奉

旨整飭林安兵備副使

少川賀劬殊頓首拜撰

梅公房購祠置產捐碑叙

祠堂之設上以妥祖靈下以敘宗族也我族
自元賓公發跡江右袁州萍鄉肇派南楚鄉

邑傳二十一世而我支祖以惕若公由鄉城之南遷五都又再傳而分居潭鄉兩邑生齒乃較繁於前所慮者建祠置田我房獨苦不支道光甲申夏方姓田宅就售爰與脈姪克名集堂姪鵬翥樹東姪孫登甲維城印潭泮采百揆等傳商族眾立合同議約歸清明公銀外更按房開捐合湊置之余邁且病力不從心命二男式堂代綜其事歷四載而始就祖靈於是妥宗族於是斂吁是舉也任事者披星月而大難不辭

同心者捐斧資而竝力不吝既告厥成爰刊諸石以垂永遠焉若由是而更廓祠宇之規模廣祭田之阡陌則又重望乎後來之賢肖者相繼而起也是爲叙

道光七年丁亥歲仲冬上浣

嗣孫邑庠生康達夫氏譔

之會祖捐銀碑記

余文常公房承祖公三子也名隆家字之會行偉十中年娶庾氏不獲似續以綿禮祀不孝之

罪誠難追已違爲身後計哉顧生爲熒獨之夫
而又死作若敖之鬼亦情所難恕也於是籌其
汗積除存膳及分惠諸姪外將銀四十兩捐祠
以佐歲事至葬所穴場坐落本都七甲娥眉衝
尾天塘地右杉樹坵窩內係買廖姓山地碑墓
契據付脈姪光並光紳光績光繩光紱光綬光
級三房後裔禁管以延祭掃是舉也雖於不孝
之罪未能少釋而宗祀之需用與邱墓之綿亘
庶幾其有賴與後之人倘追諒苦心倍致矜恤

屆祠祀遇逢旬亦備牲登壟而致祀焉是又嘉
之所深幸也是爲記
道光二十二年壬寅秋刊石豎祠

彭家灣墓碑

是山明葬老祖四棺一堆左右上三方塚外各
壹丈下憑拜臺起壹丈五尺子午兼壬丙價買
蕭姓山契約據世歷屢朝年垂數百從茲修石
千秋炳燁

咸豐元年辛亥冬墓下嗣孫合立

蕭山吳氏世系十代孫光清謹誌

壹栗子山墓碑

此鄉邑五都栗子山取名蟣蚣形明崇禎年葬


三世祖考清順治年葬 二世祖妣居左至

康熙年改葬五世祖妣亦居左先輩於乾隆年

間已立碑墓厯年既久碑頽而字落者已大半

矣因糾族而重刊之佳城鬱鬱煥然長新鍾靈

毓秀蘭桂代馨



咸豐元年辛亥冬墓下嗣孫合立

八代孫光清謹誌

蛇形觜墓碑

是山墳禁兩契接買朱姓山週圍窖石爲界並
清界字據巽山乾向原立老碑藏後

咸豐元年辛亥冬墓下嗣孫重立

命之公墓銘

公之爲人也嚴氣正性先民矩矱上孝於親下
友於弟創業垂緒繩武詒謀承先志而督讀弟

姪膠序有光廸後昆而嚴課子孫成均名著且
分多潤寡能篤孔懷推食解衣大擴胞與故壽
際耆耄孫曾繞膝四代一堂秩然雍睦有孝友
風至難紛排釋競美鄉黨廟路義舉流芳邑乘
尤高出恆流萬萬者噫非公之福與德曷克致
此今其子若孫敦修厥墓欲甲敍一言以銘之
昭不朽也

宗晚湘甲拜撰

命之祖妣墓銘

賦性溫惠位內肅雝事上克敬馭下惟仁妯娌
之間毫無遺行茹淡飲粥績月紡星佐夫助子
家業丕興及邁身病辟纊未停緝指成坑往往
血淋追念遺範穆穆徽音今瘞厥墓謹述以銘

男孫光清謹誌

克名公墓銘

公諱降文字克名行生二先祖收命公冢嗣也

天性孝友勤儉端方九歲攻書資性過人時
祖以家計尙艱年十二輟學公茹淡飲粥便

力耕以供子職長率先父同力畎畝歲無暇日
且念家口日繁並私畜多金歸而公之憶先
祖廣阡陌宏堂構萃四代一堂外內雍睦皆
公與先父之既勤且公佐助以成之耳祖
故公年踰甲服闋數年兄弟始析煙綜所事
事固所罕覲元配黃勤樸早世中配陳生丈夫
子三克承父志終配危順事無違是又公之
孝友端方盛德所致也壽七十有八寢疾數日
端坐而逝吉人善終其信然矣方今孫曾竹立

其昌大詎有艾乎宁爲之拭目以俟

脈姪光宁謹撰

克名祖妣墓誌

孺人鄉邑九都伏獅坪陳公啓純次女也配潭
邑十四都李公克名生子三長光湘次光清滿
光治俱成立昏配厥孫已大清乾隆三十二年
丙戌六月二十二日巳時生嘉慶二十三年戊
寅二月二十六日未時沒年五十二原葬潭邑
十四都八甲趙山塘伴阿母馮道光十三年癸

已改葬鄉邑二十四都上四區地名板塘屈人
莊屋後蜘蛛形中觜上排丑未兼艮坤其穴場
墓廬係父克名與叔克昭合買劉祿閣所接賀
克佐之業四至界抵兩契炳著並豎石碑爰刊
墓誌藏於棺脚嗚呼年湮代遠竊懼滄桑哀冀
後起西伯心腸若見此誌勿毀勿戕庶幾厚德
世代榮昌

男光湘光清光治謹誌

克開公墓銘

公諱隆武字克開行生四我祖 命公次子也其
性剛其行果正大光明公其好惡與吾父克
名公同其艱辛以勸我祖若左右手之輔翼焉
其馭下無分子姪皆以勤儉是訓統期保世滋
大敦耕讀本業性嗜栽培至老猶未少息子七
孝友睦婣聚居一堂孫曾振振頭角崢嶸夫婦
俱八十有餘以天年終噫天之酢福豈偶然哉

脈姪光清謹撰

克開祖墓誌

顯考李公克

諱

隆武

行

四生

乾隆

庚辰

六月

二十日寅時在潭邑十四都六甲杉溪衝兄弟

四公居次孝恭慈讓綱紀無忝克勤克儉丕承

基緒有典有則詒厥子孫壽八十有三夫婦齊

眉沒於道光壬寅五月十七日寅時葬在屋後

伴祖昌佑公棺右庚甲兼酉卯大伯隆文伴祖

棺左合堆共墓億萬斯年岸谷堪憂哀告後人

若見此誌切期加意而培撫焉

公
男光宣光宁光宗光宏光宸光容光寵謹誌

皇克開祖妣墓銘

族李母江太君鄉邑江公魯山諱良泰次女生
丈夫子七女氏二巾幗賢母也賦性純淑居心
慈祥夙嫻內則閩範端方孝事舅姑盤匝肅將
敬順夫子如賓隨行和諧妯娌不競短長斷機
督課諸君名揚惠愛姪兒猶子心腸姑病難支
內政代當三十餘年非儀悉忘七十餘日翕然
一堂凡諸戚友靡不稱臧更可述者三六七子
內助中傷呱呱乳孫祖母是傍直臨耄年鞠育

未遑允矣賢母於家有光懿德垂蔭其後必昌

芝蘭吐秀丹桂馨香敬撰數語紀石流芳

宗晚己酉舉人澤昱拜撰

克開祖妣墓誌

顯妣李母江太君鄉邑江公良泰次女先祖命

之公次媳清乾隆癸未五月二十九日未時生

壽八十三子七女二道光甲辰八月十七日戌

時歿葬湘潭十四都六甲杉溪衝右梅塘衝木

星中觜坤艮兼申寅三度誌曰天生我母德性

賢良奉上孝敬待下慈祥壽踰大耋齊眉而康
於茲瘞玉終焉允臧啓我後人世代榮昌倘後
傾圯哀告勿戕

光垣公墓銘
男光宣光宁光宗光宏光宸光容光寵謹誌

人生天地間歿猶令人慨慕者必其生有可述
也憶父母生我兄弟七弟居六魁梧俊秀惇厚
勤謹且胸有大志分煙未廿年積金約數十誠
吾父克家子也倘天假之年所就其可量乎方

壯輒逝良可慨已余等能弗念而述哉歿葬七
甲地名沙塘夏子衝尾自山中觜辛山乙向四
面窖石爲界遺田三畝父母存日收租以佐厥
膳遺金則積接五兄嗣源關業共田六畝山二
處屋二間議作我父 鏗聲公夫婦位下七房
祀產今修弟墓誌以垂後懿哉今而後十世百
世我房之明禮是賴六弟所遺得弗替也凡諸
後裔宜矢公矢慎共相維持必世守之其弗廢

買與奉山

胞兄光壇光站光培弟光域同誌

東

藝文類

文常祖房上墓册叙

掃墓之設會胡爲者所以綿後嗣本源之思永
先靈享祀之典而保邱墓之流傳不就湮也我
房自乾隆間先大父命之祖與叔大父數達
夫祖糾房居上公輔廷美士萬鍾必得
萬儀諸祖捐資肇立清明上墓一會爲我支祖
惕若公位下邱壟祭掃之資立公薄權子母以
高大父所生德相常學四房依次遞交歲取其

費輪流掃掛相傳已數十年矣閱道光甲申歲
約費三百有零因方子春元田宅就售遂奉以
爲購祠置產之舉則掃墓之費一空嗣是四房
通議各取本房公費分掛而我常房則以常祖
墓田租稅及叔祖達夫先父克名糾建墓
竣餘資與售溪口廢穴地價除清與叔式堂
董建墓廬外歸算約數十金議爲我常房分
掛之需顧會則分矣而常祖以上至惕若
祖四房公墳也則掃掛必自惕若祖始至

常祖以後千邱萬冢不待言矣夫時代久而兆
域多有田廬墓碑界石者固無虞若區區土封
第仍譜牒之紀載口耳之流傳登其壟煙荒草
蔓所在皆是鮮不遺冢漏掛錯認誤投者矣安
必厯厯確稽閱千百年而不失墜耶清兄印潭
自倡購祠入主後嘗念此而瞿然矣因訂楮本
來清而囑之曰爾粗通詩書曾繕譜牒盍將厯
代祖塋逐一詳核紀錄編次勿泥尊卑之序惟
順徑途之環以爲掃墓循行之張本焉清謹奉

兄命搜閱家乘遍鞫房眾上自地惕若公起地名葬向派次男女與夫進葬多寡丈禁有無一一詳紀繕寫成帙俾流年當掛者陟其邱而開卷一覽卽知某墳爲某公某冢爲某妣某公某妣爲某代且知某塚幾棺某棺爲某人是編也謂後嗣本源之思於是綿先靈享祀之典於是永清雖不敢妄言而執是以往謂上墓之插掛不致或誤臨祀之追念不致失序或有取焉後有新冢按地編入幸勿遺漏是清心之所預期

亦庶幾於我兄丁甯深切之念以慰而先大父
立會培墓之遺意得相承於不替云


嗣孫光清謹識

暨糾修雲霞嶺石路其聖廟叙命之昌佑

有山拔地起聳立雲間綿亘數里卽岡分脊斷

若門戶然以通行人造物者類智者所設施也
雲霞嶺高數千仞傑峙潭鄉兩界其巔畫然中
開爲往來要衝雲霞亭適當其缺所以息行役
也然山路崎嶇上下多予雖暫息於斯亭而氣

喘喘不平者如故先輩谷文玉專修蓋崩泐久矣命有志重修而未逮嘉慶乙丑冬朱君南源雲霞亭落成尙餘劉君經綸所捐三十金熊君書聲權子母羸三十有奇眾議修砌石路委事於命予曰此夙志也今老矣恐不能副諸君子望爰命三男克昭董其事督修兼以糾首集戚友熊書聲朱南池武楚玉王倡民諸君募諸樂善者葺厥功平險阻剪荆棘陡者曲之窳者填之斷者梁之皆有事乎石三載而功成亭之就



圯者亦重新焉可無剝蝕虞更廓南岳行殿舊
規之大半鳩工庇材而廟貌煥然山谷間以是
嘆造物所設施皆有賴於人事之補救豈獨茲
山也哉

遊碧蘿採藥記

克篤隆烈

蘇子云天下名山僧占多其信然哉吾幼事童
試長習舉子業寢饋經傳未暇涉歷固不之所
在之景象爲何若也繼謝科名閉戶養拙督耕
課讀而外惟是詩酒尋樂賓友談心高卧南窗

逍遙杖履已耳凡宇內名勝之區徒存想象未
縱遊覽以擴其襟期亦不知其中之况趣又何
若也邇來博覽醫書頗解調劑因紹赭鞭之法
用作赤松之遊攜老醫從小奚由銅梁越錦鰲
沿梵鐸而轉碧蘿經四路之港歷響水之潭探
靈苗於巉崖山起人面覓仙草於幽壑路迴羊
腸石懸青壁泉涓涓而奔流岫籠白雲程暗暗
而徐步曲折上流則小橋橫溪古松夾岸或告
之曰此碧蘿水口山也有庵優鉢宅其中焉吾

與同人憇於橋箕踞望之見夫亂峯層繞羣木
鬱葱溪聲鳥韻爽於心樹影山光豁於目因謂
同人曰此勝境也昔之嫋嬛福地武陵仙源殆
不是過吾今而知名山之景象足移我情乃若
斯於是沿溪稍進且行且顧喜菴宇之幽邃想
禪房之肅清將愬然不入乎覺賞心之未厯將
猝然以入乎恨識面之無素不意行方數武適
遇山僧於寺外深碧間揖之入問答未已眾僧
出見陪侍趨從彬彬有禮既煑茗而載酷復設

素而加餐窺禮意之特隆若相見之恨晚已而
內覓經閣橫琴列史可彈可披後盼清流環堦
繞棟可濯可玩左右修竹翠陰拂檻引清風而
徐度暑可乘涼來時鳥以和鳴愁可消遣由是
散步閒談慨今論古開吐胸臆其相得爲甚權
也吾於是益嘆名山之况趣足適吾性又若斯
嗚呼深谷沙彌半面未交茲乃一見如故歎洽
慙懃若是誠非不識詩書者而能好詩書客也
夫吾人山林契合都關夙分今旣覩此勝概復

遇高僧不益深我岑寂之思而堅我泉石之志
乎則此採藥之行幾欲從此終古耳所喜山僧
固能吟者未幾夕陽西墜月色東上洗盞更酌
拈韻唱酬酒冷燈殘之餘不覺晨雞之喔喔四
五聲也

東山窗紋

南屏光宁

道光庚辰之歲余館於鄉邑之高勝嶺北窗地
曰東山其主人亦曰東山夫山以主人而得其
名與抑主人以山而寄其高與今夫天下之山

多矣名山三百支山三千其奇奇怪怪莫可名
狀者詎勝數哉亦視乎居是山者異不異耳伊
古來高人奇士寄跡於一邱一壑之間其清風
逸致能亭亭物表超然於塵俗外者如右軍修
禊於山陰陶令却仕於彭澤以及太行之盤谷
有李居之灌水之愚溪而柳是家焉余嘗讀其
叙記猶慨然想見其爲人而茲之東山何如者
發脈於雲霞之南聳峙於蓮花之東其撰結高
不遇數里許然雲飛霧布朝夕之間而氣候不

同登斯山者路經三百六十石磴縈委若羊腸
然山腰之上路轉山別山是境非繚而曲窈而
深其引人入勝者水石清華繡陌交通竹洲花
塢風和日暖若別有一天地焉余初至是知此
間必有隱君子以居之耳因詢其地乃楊公先
世斬荆披棘卜居於斯歷有年矣夫十年之計
樹木百年之計樹人今又小築數椽於是山之
右爲孫子藏修講讀之所顏其門曰山窗誠山
窗也山徑靜而虛明生山竹幽而煩暑滌山籟

清而俗慮空助我文章則有山花山鳥逸我性情則有山泉山石覽山雲以娛目餐山霞以療飢居此窗也樂何如之於是鐸振林巒悠然而書聲滿焉文映日星爛然而奎光耀焉今楊公之所樹在人較昔之樹木其利不更多哉是何如之馨香哉吾乃知楊公亦天下高人奇士也不然何以知擇是山之勝而耕於斯讀於斯乎但余慚枵腹無有佳韻以寫茲山之異並寫我主人之高也雖有山窗諸吟不過偶因時地隨


攄己意以勸諸生而已有何異乎至若所以異者卽山中人亦難爲山外人道也

植桂記

渭源光清

古人之所以重手植者何哉在少時則借以自勵其凌霄之志至老則屬望在子孫無非寓栽培之意冀異日之騰芳競秀也然嘉卉不一余何取乎桂而植之蓋桂有高拔掇科之義其材貴亦猶之杏爲及第花也植焉何必記竊以不爲之記將使後之人不知余念之有所觸意之

有所注也曷言夫爾昔叔祖達夫以鄉薦未第爰屏科名之念構居祠之西北東霧山下顏其村曰曉霞杜門絕跡日究心於歧軒管郭諸書有終焉之志後見諸嗣顏異相期以遠者大者乃植桂二株俾觸目而知栽者培之之意一在宅右塾前大近拱一在宅左青龍砂旁株較少當時感此而頡芹香者有仲子之捷足焉後公故業售余慕其意而不忍舍其樹因就其小之可移移而植諸祠首月池之上誠欲族之人皆



見而興感卽月池作月宮觀時在道光丁亥二
月初也余適館於祠課罷輒灌溉之迄今廿餘
載矣幹漸大而輪囷枝環生而葱鬱遠望之團
欒如張蓋秋至花開滿樹金粟離離風香馥郁
凡入廟者莫不覩此植而低徊畱之夫昔也植
諸宅相感已及一門今也植諸祠相感應及一
族後來之俊秀倘果目覩心惕翹然而思起將
雲外之天香翱翔而披拂者自肩相摩而踵相
接也豈不懿與夫樹木不異樹人而樹人必先

樹德昔王祐植槐知後世必有爲三公者惟其能樹德以樹人也我先人忠厚累葉其樹人亦大可思矣則余今日移植之意與達祖詎有異志與後之人尙念此桂而加培勿尋斧而思伐見此桂而加勉冀步雲以高扳則我祠所植之桂安知不與王庭所植之槐共相傳於不朽哉是余念之有觸於前意之所注於後如此因詳言而爲之記

杖銘

命之昌佑

少壯不力 老大徒傷 戰戰兢兢 庶幾悔

亡

和熊啓南叙別原韻

命之昌佑

正際黃花晚節香

時九月 盡來家

故人千里寸心長

來自 巴陵

神交在昔情難釋 契闊於今念不忘 年值桑榆

猶矍鑠

熊年 八十

詩吟鶴髮更翱翔

敘論之餘 贈有詩句

張令藥

粒公會餌共醉餘年頻舉觴

送熊啟南還巴陵四首


憶昔盟心契 交情各率真 兼之居址近 更以往

來頻鳳舉迎高客鴻軒到大賓芝蘭香不遠長
賴有芳鄰

夫何空谷賦芳跡托巴陵竟以同心友長爲異
地朋魚書將孰寄雁帛又難徵一日三秋悵思
君恨不鵬

孰期千里遠庭有故人登白髮秋容老黃眉壯
氣增詩成驚鬼泣筆落似霜凌把酒頻斟酌言
歡樂意蒸

何以意蒸蒸交情晚更親衰顏能幾會皓首記



前因父老歸蒿里兒童忽老人今同西榆別期
約百年身

熊啟南和章並序

弟與君結廬咫尺往來頻頻稔知君之爲
人愼然諾好施與憫人之難樂人之善扶危濟
困忠誠欵欵誠古道照人矣莫逆以來切磋琢
磨直等骨月一日不見鄙吝復萌孰意事與心
違不克敬守桑梓遂爾風流雲散遠作他鄉客
矣今雖雲山江水蒼蒼泱泱然千里神交夢裡

難忘十餘年來恨不插翅驟飛以慰契濶昨歸
掃祖卽尋舊好登龍相聚各訴離情第見一
堂之上子孫雲衲班班鵲起家道煥發滾滾泉
湧是時酒酣耳熱勃勃然若有所得爰不自揣
敬賦七律一首以揚盛美旣蒙酬和復賜五律
四章以道欵曲捧讀之下不覺淚數行下矣特
研墨步韻次第和之雖不敢言詩亦以見弟與
君相交之微迥出風塵物色外矣

其一

桑梓必恭敬說詩早見真也知鄉井好漂泊西
南頻異地知音少空懷法語諄幾回明月夜飛
夢入西鄰

車帆來萬里水陸起巴陵寤寐思邱墓邛須想
契朋邇年惟老病壯志恨無徵欲與故人娛歸
飛借北鵬

望見雲霞嶺攀膝扶杖登憑高幽興遠撫景兔
情增遙指高人宅欣逢爽氣凌無窮歡洽意雲
起意蒸蒸

今朝欣聚首相對轉相親白髮知誰健青年不
再頻傾心懷耐久失意賦征人願結三生石迴
輪訂後身

杖銘

達夫昌佐

用之則行 舍之則藏 相時而動 終焉允
臧

哭度兒七絕十一首

我兒何事遽拋塵聞說修文假與真萬卷胸藏
成畫餅空庭長使淚沾巾

多爾聰明少爾年彼蒼似有不周全
簞瓢命短東陵壽千古茫茫欲問天

修短果然不可移善人天祐我殊疑
與齡帝夢誠非妄大造無私似有私

東山好學獨稱回不幸偏深尼父哀
好學若真能短命當年何弗盡秦灰

豈真厥疾入膏肓抑或歧軒乏善方和緩至今

如可作我將子細究端詳


嘆我浮生空自忙幸爾聰慧不尋常何期好古

人俱古古往今來恨與長

東刻七千古

父子牽情終有離痴心何自苦相思我先兒去

我猶在兒去我存無了時



共入

就學東岑歲幾更恩深作育等生成

從朱溥源師讀
書東岑卷五年

服勤未致身先死猶父空餘猶子情

兒年猶遜同年多穎異由來靡有他未達共傷

三十二我兒得半傷如何

信是我躬多薄行謾言天道不聰明西河嘗悔

離羣久我目從茲一樣盲

雜學十一
六月廿一日
對首

寂寞夜台誰是鄰
痛兒何自度芳辰
清風明月
年年在留與我兒作主賓

三次達夫哭度七絕十一首原韻輓之


泉平餘
業師朱聲京溥原

謫仙原不久紅塵幻夢浮
漚那有真祇是未應

多誑我弱齡已自耐
儒巾

微學二
善東
益未

共席詞壇已五年
解牛真自目無全
早知白玉



樓初就不使文名動上天

三

歷盡艱辛志未移五更猶自質羣疑應緣命短
工夫急尙憶留心省退私

四

論史談經日幾同

生長於論經
史最多新解

當時笑話此時哀

撐胸萬卷終黃土從此教予百念灰

五

潛心左氏究膏肓

生尤精
左傳

妙辭真傳肘後方豈是

古人驚穎異故教泉路共推詳

六

為誰勤學為誰忙兄弟人人說季常

生於兄弟中尤穎異

肯

信詩文能送命村愚可卜日舒長

七


那知死別即生離握手依依繫我思寂寞東岑

風月裏先生恰是斷腸時

八

百里歸來夜幾更凶聞疑是夢初成

生卒於十一月二十六日



正月自縣歸十四夜
於河邊得信始知

我非夢也生終夢忍淚誰能此

矯情

九

師弟從來結契多如生交誼更無他案頭詩句
尊中酒天不相容柰若何
路到黃泉孰並行一朝千古隔幽明身難隨死
心隨死何獨高堂子夏盲


十一

淵商縱復結交鄰大暮茫茫那可晨泉路相逢
應有日是誰作主是誰賓

懷隆度三首

依舊春風二月時未堪桃李折高枝三更入夢
終成幻幾處招魂已是癡皺盡龍鱗松有恨生
來馬鬣草無知柴扉密邇登門少忍聽達夫哭
度兒

也知先後骨成灰爭柰癡懷觸緒來佳句遂如
投劾去夕陽無復看花回雲埋玉樹誰爲果月



到金樽獨舉杯天上人間何處是幾番腸斷幾
疑猜

竟日僧趺此寂然無端涕淚上寒毡喪予遂覺
天難問猶子終嫌道未全本謂無兒堪永世那
知封土盡真傳一腔離恨何時了短髮頻廵數
往年

我年三十四矣尙無子髮白
且疏不堪病憂之交集也

疊前韻三首

賞心渾擬及芳時玉樹因何折一枝筆墨可憐
憑鬼泣性情誰解愛吾痴蒼天有恨情都少黃

土無靈喚豈知斗酒雙柑成往事何堪傾耳聽
鶯兒

一寸丹心豈易灰淚絲恆逐雨絲來明經倘可
還師謚短命誰知早哭回筆禿千毫留玉管文
成十卷碎瓊杯緋衣奉版匆忙甚真假教予子
細猜

一望山頭一慘然松林如塵草如毡魂依命月
情應怯酒酌孤墳醉豈全已讀詩書來世用未
埋姓字幾時傳黃鱸識我傷心否日夜分明兩

度年

望隆度墳

新黃一聚土初乾鬼哭風號分外酸不慣受驚

摧骨易未曾同死放心難青松惻惻龍髯冷綠

草淒淒蝶夢寒愧我隻雞愁取辦何當酌酒訴

胸肝

憶隆度往事五首存三

二十年來數百徒似渠資學到頭無讀書真可

五行下擊鉢何難四韻俱慣喜拈題翻舊解每

緣論史笑迂儒祇畱一事終身悔過警疎狂飭
步趨平來燂百劫外聚資學匪無書館
爲有才華貴及時幼年渾作壯年期文非勝我
嫌功淺試不先人怒悔遲士盜虛聲常切切寒
添半夜誠孜孜聰明用盡歸黃土來世還應笑
拙師
一絕聰明一絕癡五年情緒有誰知笑顏受我
千回怒好語令人十日思山月酸吟同鵠立秋
風泣別兩狐疑不堪追憶渾難了寂寞寒燈夜

漏遲

病中口占七絕二首

叔麟隆度

人在病中最苦辛
更加苦藥常相親
語君能受苦中苦
不患不爲人上人

久病心慵懶讀書
三餐飽食過日諸
日頭烘罷便圍火
到也無庸費滌除

次隆度病中口占次首原韻傷之

朱聲京


溥原

一棺埋盡五車書
地下修文信有諸
行止不堪

頻追憶悽然涕淚下堦除

次李君降度病中原韻輓之

龍蘭軒



病中情狀最艱辛經卷藥罏手自親有詔便從
天上去原來不是世間人

偏說而今懶讀書但須飽食過日諸此中意境
能超脫一點凡心已剷除

已知沉痾定難除猶念日居與月諸羞殺旁人

空老大只知醉飽不知書

此詩倒次其韻以盡餘意

達夫祖過衡郡所遇贈章 岸生汪 寬

昨夜晴開耀德星
人來水秀間山青
千尋邱壑文章妙
萬頃波濤意境靈
快我雞談今下榻
隨君鯉對後趨庭

寬與君次男
同科故云然

一樽論罷西窓燭
別

有奇書恨未經

不類恆流不證仙
惟憑理學得真詮
心源直透羲文奧
眼底周環山水妍
行李何緣絃誦地
垂楊愧調翠微天
忘年也許同年譜
皓首青雲在目前

仲麟入泮

業師朱聲京

泮水欣然賦采芹揮毫頗許掃千軍豈真立雪
 多先得自是趨庭有異聞倚馬淵源徵世業登
 龍聲價仰封君藍袍舊物重添染且喜門前柳
 拂雲

其二

熊道式

薄板貽今信不侔達人自是有前修薪傳蚊屋
 詮真諦舊話龍池據上游羸我管見窺獄鼠羨
 君衣鉢念懷鳩芹筵重赴懽無極竚待瓊林好
 獻酬

勉兒姪輩及時勤學五首之二
克篤隆烈

理境幽深貴豁然膏焚夜半細留連若徒章句
頻咕嗶那得文思蓋世賢

幸托明窗值少年書同鄴架任磨研韶光若使
徒虛擲皓首無成悔晚然

開姪南屏忿欲廢學入市詩以勉之

孰似詩書得意多拖青曳紫任高歌驚聞入市
師端木可嘆當年費揣摩

青雲得志勝金錢孰肯拋書入市塵况負英姿

人共羨休因挫折使心遷

自遣


忽忽芸窗已壯年未成學業愧前賢
今雖淡薄功名事一念書囊便悚然

勛堂弟季麟三首之一

壯歲功名備少年當思振奮繼前賢
類宮芹藻會重擷莫使書香漸冷然

父繼母逝追悼莫罄

痛母偏枯十數年晨昏未少戀
床毡持扶一向



房中坐麻苧經綸刻弗捐

未覩慈顏已五年此身恨不到黃泉誰知有吳

偏難問又使趨庭倍黯然

猶憶前年往岳山曾呼我輩共追攀今臨白露

朝香去不獲前途覩笑顏

擴棟宏阡裕後隆延師建塾念尤崇喬陰若幸

兒長托或使鴻毛一順風

一自高堂又失瞻椿陰不復到庭檐蒿莪未辨

悲何極几杖空存痛更添

悲痛滿兒光訖早世四十首摘錄其五

兒方努力奮青春何遽奄奄殞此身切愛居家

多諳練尤憐處世本忠純雙親可念同枯木一

子曾悲作古人正冀揚眉旋吐氣偏將短命早

拋塵

爾遜回年少十春胸藏大志繼前人言辭慷慨

從來少意氣冲和分外親不慣紅塵矜出歿惟

憑翠陌極調馴臨機每見渾如拙料事偏能妙

入神

坐林亭
豈論岐典賦
少海流
野秋

自幼玲瓏契祖衷此孫未許眾孫同祇冀廻瀾
爲砥柱偏先駕鶴遂飛蓬人傷血肉藏山壑我
慟英雄瘞土中鼎鼎須竝立當今折一恨
難終

自古丈夫亦愛憐誰容子少赴幽泉况非肉食
同儕輩儘有雄心繼前賢可嘆浮生真薄德偏
摧合嗣不長年悠悠歲月思何極每坐空庭淚
暗涓
人生百歲也歸泉百轉憂深總渺然但念平居

懷大志為憐棄世在髫年湯傳續命空嘗藥賦
 不招魂枉問天却憶黃鱸心未死應隨夜月度
 前川
 同克名公杖銘
 世路多崖岸戰兢復戰兢撐持今在手福履或
 堪憑

和龍德翔新成種竹園原韻二首

南屏 光宁

高齋聳峙小墻東彷彿淇泉菴竹叢一雨二三竿

青不斷百千萬个翠凌空池環淺水風初上樓
倚寒梢月恰中莫認阮郎爲大隱不將姓字與
人通

閒種瑯玕屋角東辟疆園內更多叢濃陰匝地
雲篩影翠葉迎秋露滴空已是棲鸞成翮後誰
當把臂入林中知心只許梅花放雪裡幽香一
綫通

贈同學蕭月階廻文筆袋作別
年少才高意氣豪天鍾巨手異庸曹雄詞擲地

山河動健筆凌雲日月高七紙俄成堪待馬千
軍橫掃獨跨鰲錦囊相贈同君別約到天庭奪
錦袍

賀選拔彭在潮掌教永市書院

碧野幽香一

名震楚湘達九重一時學士仰儒宗東膠西序
英才滿化雨春風教育濃門衢廣開同北海瓣
香敬祝又南豐講堂喜兆三鱸集秋看鶚遊凌
碧空

送縣佐譚澤愷卸篆別陞

枳棘原非鸞鳳栖黃龍占氣日昇躋當年壁記
哦松句此日鏡懸照水犀上劔陳篇堪大受擡
頭矮屋豈能低青雲望重捧鳧去慈母恩深在
庶黎

美歲貢生程霽門集唐閑閑草七律二首

名震騷壇溢楚湘鏤金鑿綵括全唐獨彈古調
作今調兼集眾長爲我長掇盡山頭羣玉燦搜
窮古壑萬花香科登耳順揮毫壯得味酸鹹喚
客嘗

雲山百里遇詩豪李杜光芒百鍊刀伊洛真儒
身價重香山古士德年高丹崖青壁人如玉六
韻三盃樂自陶才愧百篇酬雅賦長歌鶴曲祝
英髦

和太學生成蓮仙來館原韻

山登高勝有何差此是東山第一家曉霧朝籠
含翠色夕陽晚照映朱霞侯封千畝琅竿竹蕊
綻一庭玉樹花君子至斯多唱和香膠共潑漱
芳華

賀龍舟之生子

久叶明珠夢欣聞嶽降申旗鈴天際墜金席地
間陳毛啓丹山鳳神傳渥水麟犀錢分四座玉
果樂嘉賓龍脊居然產馨兒自可珍他年頭角
聳世卜不凡人

和太學生葛一峯

兩地潭鄉隔芳名久仰聞何緣開宴會卽席沐
蘭薰清尙雪堂節學徵抱朴文契談歡飲後幾
日有餘芬

贈龍際唐冠句

際會青雲合

青雲
槽坊

唐哉譽望隆
劍鋒經百鍊
筆

陣掃千雄鶴立崑崙上

住崑
崙橋

風高爽愷中一朝

雷雨驟連水躍潛龍


楊公東山重修高勝崙三百六十磴不立碑

表名因作詩美之

高勝三百六邈迤半空橫
古道何人闢康壯此

日更五丁開巖辟千載剔榛荆
裁彼岐陀勢修

茲礪礪平羊腸占坦道
龜背有夷行不用碑銘



績楊公萬古名

東山窗吟十絕

東山隱隱聳雲間
岫嶺層層左右環
縱不高盱
天下小登來也喜
是東山
翠竹蒼松幾疊關
書聲繚繞白雲間
課餘着個吟身好
近聽流泉遠看山
三百雲梯上嶺巔
煙霞深處別開天
此間清景真清絕
不是桃源亦渭川
一望亭亭渭畝千
讀書人在翠微巔
春風化雨

沾來渥鳳實龍孫次第聯
奮志雞窗欲上天此窗正好青雲緣路從三百
到天度步月登瀛在目前
五生耕種硯爲田學負青箱敢自賢煎鱔庖蛙
充饌也銜來竊冀有三鱸
選丁入學尙冰堅爾日春光花欲然禹寸陶分
當自惜大家龔鼓惠和天
趁此韶光又茂年休容委痺日高眠試看百卉
知春到也向東風各鬪妍

風雨晨昏共一編雲程萬里快揚鞭昨看笋角
驚雷出今又抽過舊竹先
鳥語聲聲喜喚春催耕催讀兩般人遙覘南陌
秧成錦門內青藍應鬪新

又續十絕以補前韻

收拾乾坤別買山絕勝人世一區寰嶺千重疊
雲千疊溪水之流彎復彎
尋得溪山絕俗蹤溪山隱隱白雲封紅塵萬有
飛難到落落青竿落落胸

灑脫塵埃地上仙
東山高卧一吟肩
羊求不到徑常閉
自笑竹中高士賢
癡腸肉食每饞涎
居有此君足值錢
不必侯封來此地
籜冠如意也榮遷
萬綠叢中寄一廛
規紹鹿洞自淵淵
切磋不待春風惠
有斐長吟淇澳篇
引風修竹韻悠悠
不減山陰勝地幽
桃李祈祈賢畢集
共追禊飲羲之流
最好四時三月天
輕輕單袷着來妍
雖無東魯

沂堪浴借我諸童上翠巔
青林課讀日悠悠靄靄翠圍一徑幽無事豈容
閑過日青春不再應長留

春光欲老日添長蝶板鶯簧鬧眾芳又是一年
春事畢思來得不意遑遑

陽春疊唱殘陽天只爲春光不我延昨夜一聲
春去了又期清夏賦新篇

東山窗詞四首
山聳小窗東突兀奇峯誰知山谷氣濛濛上下

白雲終日蔽彷彿仙宮
竹密繞窗叢个个玲瓏
引來面面是薰風五六
月間無暑氣好個虛空
靜裏鬧中過嚙嚙鶯歌
書聲相雜又誰多易逝
春光不我與一擲如梭
山徑少人行隱隱仙蹤
化龍棲鳳此間中一日
風雲欣際會萬里騰獅
和蕭雨田試筆元韻
天生奇才有奇窮幾費
錘爐見化工莘野一犁

春草綠傳巖百堵夕陽紅丹崖青壁人不遠桂
渚松山我是東他日雲間相步逐少微星入紫
微宮

春日賞牡丹贈主人歲貢生葛福七

金開百兩賞名花富貴花開富貴家國色無雙
宣絕艷天香第一粲奇花美人一捻脂痕在學
士三章翰墨嘉誰作洛陽才子客洛陽看畢賦
溫又
直從春盡吐霞英一色殷紅照眼明魏紫姚黃

稱絕品花王貴客錫嘉名
四香閣上賓朋滿百
寶欄邊瑪瑙傾看到子孫
常一樣年年依舊向
春榮

步周南新洗筆池懷古原韻

千古唐臣跡褚公獨擅名
當年將筆洗今日見
池清習楷遵王帖懷忠媿狄卿
叩頭甯畏死置
笏不容情正氣妖能掃丹心日爲傾
精靈常結
聚翰墨自流馨義早風霜凜腸應鍊石成尺波
香霧起金馬頌湘城

余館花市年已七十矣九日有諸學士強余登
高賦詩索和因步原韻二首錄一

天高氣爽動星回大會曲江學士來試上龍沙
憑眺望同拈頽頽任敲推遠張眼孔羣巒小頓
豁胸中一鏡開俗慮彷彿風捲籜茱萸共醉樂
無災

六弟炳南六旬開宴有龍燈大儺之慶詩以
致祝

年晉六旬歲月悠福人嶽降異恆流化童鶴箕

原難老數甲松年不計秋應召賢良徵博士尙
能矍鑠壯皇猷龍頭此日老成屬躍看天門
最上頭

秋日風雨後殘暑退而天氣爽正學士讀書佳
候也因賦詞

二章以勵諸生
日落大風雄驟雨濛濛風吹雨打縱橫中掃却
塵氛殘暑淨爽氣玲瓏洗出鏡青銅寥廓秋穹
放懷今古地天空滿座清涼瀟洒景好把書攻

秋日正淒清暑退涼生况當風雨後初晴滌盡
胸中煩惱念一鏡澄泓晚眺遠山平心地光明
天高氣爽足怡情爲策諸生同鼓舞滿梵書聲

館南

華菴

命之祖糾建雲霞嶺南嶽行殿石香爐落成

優貢生

朱名棟

石殿霞籠結構嚴爐香惟有上山拈雲根細琢
成金鑄煙篆微董壓玉奩一色秋生高嶺外幾
人禮拜亂峯尖從今供養年年事要識清心是

李廉

其二

仲麟隆序

嶺積雲霞氣盎然香添一篆石爐煙琢來奇骨
山應泣拔着危峯蘚自緣夜月祗疑叅鶴立秋
風合任裊龍涎莊嚴
聖像憑呵護幾許親拈拜殿前

天重九登高未果適因友朱名揀赴館畱飲而
止寓鄉試未遇之意
文峯一曲繫相思可嘆登臨未及時酒酌同人

千日遣雲深僻徑寸心馳菊看盈把橫前路花
到簪頭竹後期此會仙人齊罷宴題糕好謝子
京詩

九日偕友人登風神寨
破壁高騰念極塵登高暫寄意云云留將晚勁
開黃甲剩得閒身到白雲此日風流陶處士當
年舉止孟叅軍同行孰是題糕手渠羨劉卽我
羨君

輓克篤祖聯額

黃菊圃

先生之風 窮柱下遺經忘憂廢食矍鑠哉是

翁雖耄尚有好學志


啟匣中舊稿累牘連篇瀟灑兮若

老臨終詎無封禪書

先生辰自遣

渭源光清

鱗鱗翠陌草堂西我父當年苦挈提長夏曾殮
三頓粥隆冬每並五更雞心勤篤緒宏堂構力
殫詒謀擴野畦歷盡千辛思後起黃泉此日有
餘淒



念我生辰母氏勞堅冰凜冽苦難遭恩勤力瘁
三年哺閔鬻心劬百日號負恙旋悲身不壽讀
書切望首常搔而今碌碌霜環鬢罔極無能答
一毛

意氣從來傲世賢豈甘鹿鹿老吾年鴻毛未振
風先逆驥足將騰軌已捐滿腹豪情成畫餅牛
生壯志落寒毡孫曾蔚起將誰寄但付藏書任
究研

筆爲耒耜紙爲田寂寞寒窗五十年夏屋渠渠

人自得春畦漠漠我不然千鍾信有心曾糞萬
里難期舌在耕世事滄桑何足計升沉只合任
推遷

館中念母生辰

野稻青青綠滿阡慈帷寂寞又經年雞豚有憾
思何極盞盞關心恨不前足繫鱸堂淒異域魂
依馬鬣冷荒煙萍踪似我真蒿蔚陟祀空餘囑
慎旃

輓孀母江孺人

幔亭綵屋古瓊仙閩德山高壽福全庭列長筵
重篤慶觴稱大耄兩踰年當今厭世應隨鳳此
去乘雲徑上天環佩蕭蕭看不見萱堂一望一
淒然

洗筆池懷古

一池春水綠婆娑褚子當年洗筆過向使高宗
能逆耳甯從下邑獨揚波花如妖后容顏在浪
似孤臣涕淚多愧殺瀛洲諸學士如君才不負
儒科

湘潭竹枝詞六首

修補爭傳李邑侯
隔湘高塔近湘樓
文風信是從茲好
會繼探花報狀頭
佳妓絲絃集後湖
新傳雙壁世間無
詩人有稿街頭賣
不說嬌娥說二姑

賈客紛紛撥短橈
潭州真個貨能消
從來止道江南好
却也名都擬六朝
不管三腮竝四腮
一舟飄去網中來
漁歌到晚喧騰甚
半倚陶公舊釣臺

鳳仙庵前競賣茶畱人四季滿園花禪僧都自
風騷甚對景成詩日已斜
梨園子弟一班班不唱城中唱窰灣欲識高低
何處看老卽廟前一開顏
炳南公所遇贈章 衡陽太學生唐金吾
賢如白也繼前賢笑傲王公數十年足健登臨
追蠟屐目空勢利異逃禪兩絲絀舊蹟畱今古
一斗新詞撥後先愧我材庸難和唱謾吟俚句
舞風前

又扞吉謝章

衡山廩膳生熊中駿

爭觀景星照遠村餘暉自不隔蓬門山間石路

仙雲跡座上圖留翰墨痕月映冰壺心一片書

精玉尺手三元芳名愧乏紗籠護永向碑銘世

記恩南公祖德嚴章一會恩太學主書金音

喜堂弟渭源專修家乘體制完晰詩以誌慶

梁園元策一賦不聞煥中即密定辟光宏

燿村析派肇湘祧城澗支分行石橋常祖徵修

年已遠文常祖肇修墨譜麟公踵修歲旋遙仲麟叔續

距今百一十年矣

輯至今又

四十餘載矣

繼起憑君欣藉手勦成愧我未同僚

余館他邑

恨未從局

從茲付劔垂先澤子姓淵源百世昭

按四修譜所編次第凡先輩傳讚及碑記藝
 文列在尾卷今屆五續提列第八卷其傳讚
 如甯仲知節二公僅存像贊自嶽生公
 而下若文相公傳萬鍾公命之公行
 畧文達夫公大傳又印潭公琴堂公
 涇源公壽叙及炳南公所至贈言邦炳展
 讀數遍觀其道德之深厚文字之優美慨然

想見其爲人洵詩禮世家悉可爲子孫法效
若其祠墓碑記足爲後代徵信之根據他如
藝文所載詩詞皆足啟牖後人德性智識均
逐一照錄毫無刪節至現今所有文藝非謂
不逮先輩之佳勝正恐或貽炫美之譏評故
概不收錄特爲說明俾後之覽者恕非崇古
而薄今也

高陵裔孫邦炳第程氏謹識

海峽
四十
錄
手
懷
木
同
於

